

周  
禮  
完  
解

周禮完解卷六

郝敬習

春官宗伯下

大司樂中大夫二人樂師下大夫四人上士八人下士十有六人府四人史八人胥八人徒八十人

掌成均之灋教國子弟樂者禮之和行禮以樂聖人言禮必言樂禮樂非二物故大司樂附于宗伯或者欲移屬大司徒謬也自此以下至鞮鞻氏凡十四職皆大司樂之屬

大司樂掌成均之灋以治建國之學政而合國之子弟

焉。凡有道有德者，使教焉。死則以爲樂祖，祭於瞽宗。以樂德教國子，以中和祗庸孝友。以樂語教國子，興道諷誦言語，以樂舞教國子。舞雲門、大卷、權大咸、大磬、韶大夏、大濩、大武，以六律六同五聲八音六舞大合樂，以致鬼神示，以和邦國，以諧萬民，以安賓客，以說遠人，以作動物。

成均，成就均也。或曰：五帝學名。國子弟、公卿大夫子弟，凡有道以下，皆所掌法與政也。有道德，國子父兄先達者，延之國學，使教國子弟。死教者，死樂祖。樂神，瞽宗祀樂祖宮。古者審樂用瞽，曰瞽宗。或曰：瞽宗，殷學。

也。樂德卽中和以下六者身心之和也。祇敬也。庸常也。樂語卽興道以下六者聲氣之和也。興發動也。道通暢也。諷歌詠也。誦對揚也。言自言語相語。樂舞卽雲門大卷以下六者動容之和也。雲門大卷黃帝樂德如雲出又能聚物也。大咸卽咸池堯樂咸徧也。池澤也。磬韶同舜樂韶美也。韶也卽重華意。大夏禹樂夏大也。禹功平成諸夏也。大濩湯樂寬仁護民也。大武武王樂成武功也。六律六同十二管陽爲律黃鍾大族姑洗蕤賓夷則無射六陽也。大呂應鍾南呂林鍾仲呂夾鍾六陰也。陰律爲同同陽也。一名呂呂卽

同。或竹或銅爲十二管。首黃鍾管長九寸。以次三分損益相生。長短間吹。管長聲濁。管短聲清。是生五聲。宮商角徵羽八音。謂金石絲竹匏土革木。六舞卽上大卷等六。大合樂以五聲八音。編作六代之舞。致人鬼天神地祇。謂祭祀之樂。和諧邦國。萬民謂鄉飲鄉射等樂。安賓客。說遠人。謂朝覲會同燕饗之樂。作動物。卽下節謂一變致羽物。六變致象物之類。虞書百獸率舞。亦此意。

按聖人教國子弟。命其官爲司樂。何也。教莫嚴于禮。貴介之子。騎蹇氣勝。卒然折之以禮。則距而不相入。

聖人以歌詠舞蹈之法。陶融其情。綽約其氣。使優游自得。和順于道德。故曰。禮之用。和爲貴。非禮外。別有樂也。恒人之性。暴戾馳騁。皆血氣之彊陽。而其從容和順者。皆禮樂之薰育也。故操傲莫如禮。行禮莫如樂。故曰。興于詩。立于禮。成于樂。樂者。非六律六同之聲。與雲門大卷之舞爾也。

乃分樂而序之。以祭以享。以祀。乃奏黃鍾歌。大呂舞。雲門。以祀天神。乃奏大簇歌。應鍾舞。咸池。以祭地示。乃奏姑洗歌。南呂舞。大磬。以祀四望。乃奏蕤賓歌。函鍾舞。大夏。以祭山川。乃奏夷則歌。小呂舞。大濩。以享先妣。乃奏

無射歌夾鍾舞大武以享先祖凡六樂者文之以五聲  
播之以八音

分序祭祀各有所宜用之樂祭享祀三者分指天神  
人鬼地示黃鍾陽聲之首十一月子律大呂陰聲十  
二月丑律子與丑合雲門黃帝樂六舞之首雲天象  
故以祀天神奏之以樂合之以歌節之以舞天神尊  
故律歌舞皆用尊者大族陽聲第二正月寅律應鍾  
陰聲十月亥律寅與亥合咸池堯舞池地象故以祀  
地示姑洗陽聲第三三月辰律南呂八月酉律辰與  
酉合四陽三陰合備中氣韶重華之舞故以祀四望

蕤賓陽聲第四。五月午律。函鍾卽林鍾。六月未律。午與未合。大夏禹舞。山川生物。相見于夏。故以祀山川。夷則陽聲第五。七月申律。小呂卽中呂。陰聲。四月巳律。巳與申合。七月陽微。四月陰弱。寬緩調濩。其象柔順。故宜舞大濩。以享先妣。無射陽聲第六。九月戌律。夾鍾卽圓鍾。陰聲。二月卯律。卯與戌合。又無射往生中呂者也。夾鍾夷則來生者也。有配合之象。大武武舞。六成。故以終六樂。武陽剛。故以祀祖考。凡此六樂。雖各以一陽一陰爲主。而五聲八音各備。五聲備。乃成文采。八音齊。乃能播揚。



按六代之樂。出自緯書。詩書無明訓也。王者功成樂作。異代不相襲。何爲舍昭代之樂。遠取異代。何獨昭代之樂。以祀先祖。異代之樂。以祀外神乎。如其說。六舞可分。五聲十二律。必不可分。聲相和。故成音。音有五。而其辨甚微。以十二律審五音。其辨愈微。律缺一不可以和樂。今欲分六律合六舞。何以諧聲而作樂。瀆亂不驗。其斯之類。

凡六樂者。一變而致羽物。及川澤之示。再變而致羸物。及山林之示。三變而致鱗物。及丘陵之示。四變而致毛物。及墳衍之示。五變而致介物。及土示。六變而致象物。

及天神。凡樂。圜鍾爲宮。黃鍾爲角。大簇爲徵。姑洗爲羽。  
鼗鼓。鼗鼓。孤竹之管。雲和之琴瑟。雲門之舞。冬日至於  
地上之圜。丘奏之。若樂六變。則天神皆降。可得而禮矣。  
凡樂。函鍾爲宮。大簇爲角。姑洗爲徵。南呂爲羽。靈鼓。靈  
鼗。孫竹之管。空桑之琴瑟。咸池之舞。夏日至於澤中之  
方丘。奏之。若樂八變。則地示皆出。可得而禮矣。凡樂。黃  
鍾爲宮。大呂爲角。大簇爲徵。應鍾爲羽。路鼓。路鼗。陰竹  
之管。龍門之琴瑟。九德之歌。九磬之舞。於宗廟之中。奏  
之。若樂九變。則人鬼可得而禮矣。

此論音樂感神之應。凡樂一終更奏曰變。羽物雉鴈

之屬。羸物。虎豹之屬。鱗物。魚龍之屬。毛物。狐貉之屬。  
介物。龜鼈之屬。象物。魍魎之屬。一變至六變。極言作  
樂之盛。羽物至象物。山澤林麓丘陵墳衍天地。極言  
感通之遠。鄭氏以爲蜡祭。非也。圜鍾卽夾鍾。二月卯  
律。卯有房心爲大辰。日出之鄉。天地之明堂。故爲天  
神之宮。黃鍾大簇姑洗皆陽律。相次以爲角徵羽。天  
鼓曰鼙。小鼓有柄有耳曰鼗。孤竹竹特生者。雲和地  
名。天神屬陽。冬至陽生地上。效其高也。築土爲壇曰  
丘。圜象天。天神六變而降。陽清感速也。禮謂薦獻神  
降。然後可禮。函鍾卽林鍾。六月未律。坤居未。爲地示。

之宮大蕤管八寸下生南呂南呂管五寸有奇上生姑洗三律相生爲角徵羽以象地生物也地鼓曰靈孫竹小竹空桑山名夏至陰生地示屬陰於澤中法其卑也方象地八變而後示出地幽深應遲也黃鍾十一月子律子當危虛危虛主宗廟墳墓故爲宗廟之宮大呂十二月丑律管八寸有奇大蕤正月寅律管正八寸應鍾十月亥律管四寸有奇是陰律之終也子與丑合亥與寅合冬藏而春生性情之道也故三聲相次爲角徵羽以祀人鬼九德卽春秋傳水火金木土穀爲六府正德利用厚生爲三事謂之九功

之德皆可歌也。謂之九歌。九磬。卽書云簫韶九成。九德九韶皆人事。宜奏之宗廟。九變因九德九磬而言。○按樂有五聲六律八音。所以損益成文。節宣五氣。而妙合自然者也。今割強分配。天神地示人鬼五聲去其一。六律用其半。八音用其三。偏枯不全。何以諧聲作樂。鄭玄謂六律有爲神祇所嫌不取者。有爲人鬼所尊避者。五音商堅剛不可用。皆穿鑿難據。夫樂由人心生。人心和則天地萬物應。鬼神格。禎祥至。有可致之理。非責以必致之事也。昔夔贊舜樂。擊石拊石。百獸率舞。言帝德溫恭孝友。和氣旁通。擊拊無情。

以感有情豈真百獸鳳凰來在虞之庭乎是書緣飾  
遂成誕罔秦漢以來方士口吻初未嘗達禮樂之情  
故其言自相背旣云一變致川澤之示再變致山林  
三變致丘陵四變致墳衍五變致土示六變致天神  
是致地示易致天神難也今云六變天神降八變地  
示出九變人鬼至則地示人鬼又難致天神又易致  
矣其紕繆多端元吳澄氏極尊信是書而于此亦非  
之今錄附左

吳澄氏曰此不惟不經且自背矣旣曰以六律六同  
五聲八音六舞大合樂以致神示其下分六律六同

六舞以祀六神是又各自爲用不得謂大合樂矣旣各自爲用何以成樂周家祭祀莫詳于詩昊天有成命之詩郊祀天地是天地無分祭也般之詩望祀四嶽河海是山川無各祭也雍詩禘祖其末曰旣右烈考亦右文母是先妣與先祖亦無各祭也周頌皆祭祀之詩其言作樂未聞分序亦未言用歷代樂分祀此甚不足信旣曰六樂者文之以五聲播之以八音下禮天神地示人鬼于五聲止用四千八音止用三聲音不備何以爲樂詩有瞽之篇作樂合祖用鼗鞀磬祝圉簫管等是宗廟之祭亦兼用竹革木石之音

先儒謂不用商聲者。祭尚柔。商堅剛。武奏大武而言勝殷。過劉。勺告成而言於鑠。王師非堅剛之意乎。前旣言祀天神。止奏黃鍾歌大呂。祭地示。止奏大簇歌。應鍾祭先祖。止奏無射歌夾鍾。後文與前又不合。旣曰凡六樂者。一變至六變。合六樂言之。至七變八變九變。則是餘三變又不預矣。樂所以象德。六樂致鬼神示。不知何分而象德乎。舜作樂感格自近及遠。先祖考。文鳳凰百獸等物。今自遠及近。一變致羽物及川澤等示。九變後及人鬼。舜樂所以感物者。未嘗以某樂感某神。帝王作樂大槩相似。何獨成周之樂不



然此上皆吳氏之說理有真非雖好信不得辨其謬也

凡樂事大祭祀宿縣遂以聲展之王出入則令奏王夏尸出入則令奏肆夏牲出入則令奏昭夏帥國子而舞大饗不入牲其他皆如祭祀大射王出入令奏王夏及射令奏騶虞詔諸侯以弓矢舞王大食三脩皆令奏鍾鼓王師大獻則令奏愷樂凡日月食四鎮五嶽崩大傀怪異裁諸侯薨令去樂大札大凶大裁大臣死凡國之大憂令弛縣凡建國禁其淫聲過聲凶聲慢聲大喪弛廢樂器及葬藏樂器亦如之

宿縣祭日前夕懸樂器于筍簴以聲展之扣其音察其器完否三夏皆樂章出入謂出入廟門肆舒遂意牲出入謂迎牲入告殺體解以出燂熟復入昭明潔意國子卽大司樂所教諸子學舞者祭享則大司樂帥之而舞大饗饗賓客于廟饗神告殺則迎牲入饗賓則于外殺而烹之不迎入其他裸獻禮與祭祀同騶虞樂章卽召南末篇王射以騶虞爲節以弓矢舞謂執弓挾矢揖讓進退合舞節鄉射五物曰興舞是也王大食王每日一盛饌也侑勸食也大獻獻捷也愷樂也獻功之樂曰愷樂四鎮四方山大者楊之會

稽青之沂山幽之醫無閭冀之霍山五嶽東岱南衡  
西華北恒中嵩嵬怪通去暫輟也憂短輟樂憂長弛  
懸弛解下也天冶曰淫悽惋曰過暴戾曰凶流散曰  
慢廢藏也大喪過密八音也葬藏樂器藏之墳中明  
器也檀弓云琴瑟張而不平笙竽備而不和是也鄭  
解失之

按鄭註廢皆釋興作也喪止樂何爲反興作廢與塋  
通藏也詩云塞向墮戶又與霽通樂記云車甲霽而  
藏之府庫弗復用正此意後同

樂師掌國學之政以教國子小舞凡舞有帔拂舞有羽

有皇舞有旄舞有干舞有人舞教樂儀行以肆夏趨以采齊車亦如之環拜以鍾鼓爲節凡射王以騶虞爲節諸侯以貍首爲節大夫以采蘋爲節士以采芣爲節樂師職見大司樂下大夫四人小舞內則謂十三舞勺成童舞象二十舞大夏之類言小者對大司樂六舞此則幼學之舞也勺周頌酌之詩象維清之詩大夏以樂奏詩而舞按節也帔舞裂繒爲拂執以舞羽舞執鳥羽舞皇美也五采羽爲拂其文美也旄旌牛尾爲拂干盾也人舞手舞教樂儀教國子容儀比于樂以奉王出入也緩步曰行急促曰趨肆夏采齊

皆樂章以猶比也。車在車，車行緩急，亦中肆夏采薺。環拜，主賓相向拜，鐘鼓交作，伏興俛仰，皆應鐘鼓之節。射禮無尊卑，人挾四矢，每樂奏一節，發一矢。天子奏騶虞，卽召南之卒章。諸侯奏貍首，卽射義曾孫侯氏之詩。大夫奏采蘋，士奏采芣，皆召南之詩。射義曰：騶虞者，樂官備也；貍首者，樂會時也；采蘋者，樂循法也；采芣者，樂不失職也。是故天子以備官爲節，諸侯以時會爲節，大夫以循法爲節，士以不失職爲節。凡樂掌其序事，治其樂政。凡國之小事用樂者，令奏鍾鼓。凡樂成，則告備。詔來瞽臯舞，及徹，帥學士而歌。徹令

相饗食諸侯序其樂事。令奏鐘鼓。令相如祭之儀。燕射。帥射夫以弓矢舞。樂出入。令奏鐘鼓。凡軍大獻教愷歌。遂倡之。凡喪陳樂器。則帥樂官及序哭亦如之。凡樂官掌其政令聽其治訟。

序事謂陳列先後節奏次第。樂政謂正其聲音律呂。小事小祭祀有鐘鼓無舞。舞師職云。小祭祀則不與舞。樂成樂終也。燕禮大師告于樂正曰。正歌備是也。詔來瞽將作樂。則告眡瞭扶瞽工入。皐皐遍舞者之聲。瞽主歌。國子主舞。皆樂師詔之。徹祭畢徹俎豆。學士卽國子歌徹歌雍詩徹亦國子舞。瞽人歌。令相令。

眡瞭相導瞽人饗食諸侯儀與祭祀同射夫謂衆耦  
弓矢舞解見前樂出入樂人及樂器出入亦奏鍾鼓  
者重之也樂以和神亦如牲出入奏昭夏也大獻獻  
功于廟喪陳樂器陳明器也旣夕禮陳器于祖廟前  
庭及墳道東是也序哭陳器時爲位哭亦帥樂官也  
凡樂官謂大胥以下

大胥中士四人小胥下士八人府二人史四人徒四十  
人

胥有材智之稱文王世子云小樂正學千大胥佐之  
大胥掌學士之版以待致諸子春入學舍釋采合舞秋

頒學。合聲以六樂之會。正舞位。以序出入舞者。比樂官。展樂器。凡祭祀之用樂者。以鼓徵學士。序宮中之事。

學士卿大夫諸子之入國學者。版名籍待致。謂有事則按籍召致。春學士始入學。奠蘋藻于先師。舍釋同奠也。采菜同。合舞教以進退周折。合舞節也。頒學謂品其材器而授之業。合聲教以應對雍容。合聲律也。始入學。未識其材。使習舞蹈。揉其筋骨。節其步驟。調其血氣。歷三時之久。乃論材頒學。教以音律。而後聲氣有和平之度也。六樂卽前雲門等樂。舞用八八六十四人。曰會。正舞位。立表爲綴兆。序出入整序行列。



進退由表位。無錯亂也。比校作樂之官。展視八音之器。祭祀用樂。則伐鼓徵召諸子。皆大胥掌之。宮中之事。卽天官宮正教國子宿衛者。以道藝。大胥亦掌其序。蓋大祭用樂。雖侍衛公卿大夫子弟。亦以序徵之也。

小胥掌學士之徵令。而比之黻。其不敬者巡舞列而撻其怠慢者。正樂縣之位。王宮縣。諸侯軒縣。卿大夫判縣。士特縣。辨其聲。凡縣鐘磬。半爲堵。全爲肆。

小胥職見大胥。下士八人。學士卽大胥版內之學士。未至者徵使來。旣至者令使學。比校閱也。黻航同。罰。

爵也。罰失禮曰觥不敬。謂後至者扑責之。樂縣謂編鐘編磬懸于筓簋正位。正宮軒判特之位。宮懸懸四面如宮牆。軒縣闕南面似軒榭。判縣又闕北面似兩判。特縣又闕西面成孤特。辨其聲扣而聽之。妨損壞也。凡鐘磬編縣以八爲全。樂本八音也。每簋各八爲堵。二八爲肆。堵者單立如牆。肆者列行成肆。天子之卿大夫士以肆爲軒判特。諸侯之卿大夫士以堵爲軒判特也。

按樂縣不止鐘磬而編縣惟鐘磬故有半堵全肆之殊。詩云應田縣鼓是大鼓小鼓皆縣也。又云虞業惟

月社分解 卷之二十三  
從賁鼓惟鑪是大鐘大鼓皆縣也諸侯以下縣雖不  
得四面而衆樂皆備則同鄭解鄉射謂士禮惟磬是  
以士特縣爲不得有鐘鼓矣何以成樂

大師下大夫二人小師上士四人瞽矇上瞽四十人中  
瞽百人下瞽百有六十人眡視矇矇三百人府四人史  
八人胥十有二人徒百有二十人

大師樂官之長小師其貳也瞽無目矇有目而無見  
凡典樂必使瞽矇無見則聽聰也眡視同視明日矇  
眡矇三百以相瞽矇

按視寡則聽專故樂工尚瞽矇非必盡取盲人用之

也。且焉得三百人同時皆無目。賢而知音者乎。瀆亂不驗。類此解者。遂謂大師少師皆無目。可嗤也。

大師掌六律六同。以合陰陽之聲。陽聲黃鍾大簇姑洗蕤賓夷則無射。陰聲大呂應鍾南呂函鍾小呂夾鍾。皆文之以五聲。宮商角徵羽。皆播之以八音。金石土革絲木匏竹。

律同見前。合陰陽之聲。以十二管。六爲陽。六爲陰。分配十二月。按圖起十一月黃鍾子位。一陽一陰。以次相間左旋。自子以東。六陽月爲上。而黃鍾大呂大簇應鍾姑洗仲呂屬焉。自午以西。六陰月爲下。而蕤賓

林鍾夷則南呂無射夾鍾屬焉。始黃鍾陽損陰益相生以三分之一爲率。陽損則下生陰益則上生。蓋損益其管有長短。上下其聲有高低。清濁相應。陰陽氣順。律呂所以和也。黃鍾之管長九寸三分。損其一。下生林鍾。林鍾三分益一。上生大簇。大簇損一。下生南呂。南呂益一。上生姑洗。姑洗損一。下生應鍾。應鍾益一。上生蕤賓。蕤賓正當午位。陰生又益一。上生大呂。大呂損一。下生夷則。夷則益一。上生夾鍾。夾鍾損一。下生無射。無射益一。上生中呂。終焉五音數多而長大者。聲濁。數少而短小者。聲清。濁莫如宮。清莫如羽。

黃鍾之數九。九八十一爲宮。三分黃鍾損一。下生徵。  
徵益一。上生商。商損一。下生羽。羽益一。上生角。角數  
六十有四。三分之不盡一算。故其數不行。聲止五也。  
宮雖本于黃鍾。而十二律亦各具五聲。五聲和。然後  
清濁高下相成。故曰文金。鐘屬石。磬也。土。埙屬革。鼓  
屬絲。琴瑟之屬。木。祝。敔之屬。匏。笙屬竹。簫管之屬。  
教六詩曰風曰賦曰比曰興曰雅曰頌。以六德爲之本。  
以六律爲之音。

教六詩。教學者詩志也。志形于言曰詩。心生于音曰  
樂。詩者樂之辭。和動曰風。陳辭曰賦。託物曰比。感動

曰興平正曰雅贊揚曰頌六者盡詩之義矣賦比興  
先雅頌者風有賦比興而雅頌可知詩者性情之蘊  
有知仁聖義忠和六德而能後能爲六詩故曰德爲  
本其聲和而後其歌永故曰律爲音

大祭祀帥瞽登歌令奏擊拊下管播樂器令奏鼓輦雁  
大饗亦如之大射帥瞽而歌射節大師執同律以聽軍  
聲而詔吉凶大喪帥瞽而厥作匱諡凡國之瞽蒙正焉  
登歌樂將作瞽升堂歌清廟也拊樂器形如鼓以韋  
囊實糠擊以導歌樂作曰奏令大師令奏樂者先擊  
拊而後瞽歌也下管堂下吹管歌在堂上貴人聲也

管在堂下先衆音貴入氣也凡作樂匏竹在階間鐘鼓在庭用氣貴于用手也播樂器播衆樂輦言引小鼓曰輦先擊小鼓引大鼓而後吹管播衆樂大饗賓亦帥瞽令奏也射節天子歌騶虞爲九節大師征討也執陰同與陽律吹之聽五音測五氣而知勝負生尅之吉凶也大喪帥瞽藏樂器邊密八音也匱柩同陳死者生平行實作諡德成于樂功歌于頌諡由瞽作也凡國瞽矇學歌樂者皆受其正教焉

小師掌教鼓鼗祝敔塤簫管絃歌大祭祀登歌擊拊下管擊應鼓徹歌大饗亦如之大喪與廬凡小祭祀小樂



事鼓。棘掌六樂聲音之節。與其和。

小師職。見大師。上士四人也。鼗有柄。小鼓旁耳。搖擊之。祝如漆桶。中有椎。桐擊之。敔刻木如虎形。背有二十七齒。以木鞞之。塤燒土如鸞卵。六孔。空中鑊上而平底。簫編小竹管。大者二十四。小者十六。長尺四寸。象鳥翼。管如篴。六孔。長尺圍寸。絃琴瑟歌。歌詩合絃。應鼓。卽棘鼓。擊。小師自擊。敔歌有司。敔擊。歌應詩。大喪與廡。從大師。廡也。聲音之節。如登歌在上。匏竹在下之類。和小。大。清濁。不相奪倫。鄭云。和。錡于也。

瞽矇掌播鼗。祝敔。塤。簫。管。絃。歌。諷。誦。詩。世奠繫鼓。琴瑟。

掌九德六詩之歌以役大師

瞽矇職見大師三瞽共三百人諷誦猶詠歌風詠曰  
諷直言曰誦先王置瞽史使朝夕諷誦自敝國語云  
瞽賦矇誦鄭云聞讀不依詠曰諷以聲節之曰誦世  
上世奠定也繫帝王相傳之統系諷誦古人詩因述  
古世系以指作詩之由明興亡之故鄭謂作詩爲諡  
書于世本也鼓琴瑟凡歌必合絃九德見大司樂六  
詩見大師役爲之使

眡瞭掌凡樂事播鼗擊頌磬笙磬掌大師之縣凡樂事  
相瞽大喪厥樂器大旅亦如之賓射皆奏其鐘鼓鼗威

月補字解 卷二 二  
愷獻亦如之

眡瞭職見大師凡三百人相瞽矇外兼掌凡樂事頌歌也頌磬合歌笙磬合笙儀禮頌磬在西象成功也笙磬在東象生物也大師之縣爲大師縣樂器相瞽扶持瞽矇國有大故大旅上帝亦厥藏樂器所謂大憂則弛縣也射有鐘鼓發矢以鐘鼓爲節鑿愷皆軍中之鼓鼓鑿言戒警夜也鼓聲急促如今播鼓愷獻之鼓其聲從容如今得勝鼓

典同中士二人府一人史一人胥二人徒二十人同簫也截竹爲管以協律曰簫後世用銅爲之

典同掌六律六同之和以辨天地四方陰陽之聲以爲  
樂器凡聲高聲硯正聲緩下聲肆陂聲散險聲斂達聲  
羸微聲鰭聞回聲衍侈聲柞測弇掩聲鬱薄聲甄厚聲  
石凡爲樂器以十有二律爲之數度以十有二聲爲之  
齊量凡和樂亦如之

六律六陽管六同六陰管律同和乃可以協八風應  
五氣辨天地四方之聲八音可取則而樂器可作也  
凡聲泛論聲之病十有二律同無此病則和太高則  
硯衮也如雷衮然于上正猶中也謂高低之間則緩  
而無力下低也低則肆而不揚陂偏也偏則聲散險

月利字角 卷之六 十一  
深也。深則聲藏通達則羸滿而有餘。微小則縮闇而  
不明。回曲則游行而不定。侈哆也。侈聲在外。侘也。  
其聲侘侘然。弇奄也。其聲在內。鬱不條暢也。器薄者  
其聲浮。如扣瓦。器厚者其聲堅。如擊石。有一于此則  
律同不和。數度謂多寡長短。十二律本黃鍾九九之  
法。三分損益相生五度出焉。凡製樂器者以此爲數  
度也。齊量調遠也。十二聲卽高正下陂等聲。以爲齊  
量使適中也。和樂和合衆樂亦以十二聲律爲數量。  
以聲審器。以器和樂。則樂無不善矣。

按硯緩等十二聲病。鄭據考工記鳧氏作鐘解律歷

志有神瞽度律均鐘之法爲零鐘十二以合十二律然此文但言律未及鐘卽下鐘師職亦不及零鐘但據本文解義自曉然

磬師中士四人下士八人府四人史二人胥四人徒四十人

按磬有玉有石有頌有笙或曰石磬笙也玉磬頌也石磬在堂下玉磬在堂上儀禮笙磬頌磬皆在階下虞書擊石拊石樂記石聲磬八音有石無玉玉亦石也

磬師掌教擊磬擊編鐘教繚樂燕樂之鐘磬凡祭祀奏

縵樂

鐘獨言編有不編者磬皆編也特鐘鐘師掌之編鐘編磬皆磬師職也雜文曰縵縵樂雜弄也以雜曲合樂學記云不學操縵不能安絃燕樂終燕房中之樂燕安也以安賓與正樂殊

鐘師中士四人下士八人府二人史二人胥六人徒六十人

掌鐘鐘有特懸者有編懸者皆金爲之首衆樂故曰金奏

鐘師掌金奏凡樂事以鐘鼓奏九夏王夏肆夏昭夏納

夏章夏齊夏族夏祓改夏驚夏凡祭祀饗食奏燕樂凡射王奏騶虞諸侯奏貍首卿大夫奏采蘋士奏采芣掌鞀句鼓縵樂

金謂大鐘特懸者與鼓合凡樂先擊鐘次鼓歌在堂上鐘鼓皆應于堂下夏大也九夏皆大樂舊謂肆夏繁遏渠皆周頌之詩肆夏時邁也取肆于時夏之語繁遏執競也繁多也遏止也言福止于周家之多取降福穰穰之語渠大也渠夏思文也取克配彼天之語以此推九夏皆頌今不可考王出入奏王夏尸出入奏肆夏牲出入奏昭夏四方賓客來奏納夏臣有



功奏章夏夫人祭奏齊夏族人侍奏族夏客醉而出  
奏陟夏公出入奏驚夏饗食賓客亦于廟與祭祀同  
燕樂祭終有燕饗元侯升歌頌合大雅饗五等諸侯  
升歌大雅合小雅饗臣子歌小雅合鄉樂此正樂也  
燕樂獻酬畢坐燕安賓之樂亦用鐘鼓凡射謂大射  
賓射等皆歌詩爲矢節亦用鐘鼓鞀小鼓磬師奏縵  
樂而鐘師擊鞀以鼓之

笙師中士二人下士四人府二人史二人胥一人徒十  
人

掌教吹笙竽之屬

笙師掌教歌吹。竽笙埙簫簫篪遂管春牘應雅以教誡樂凡祭祀饗射共其鐘笙之樂燕樂亦如之大喪廢其樂器及葬奉而藏之大旅則陳之

衆樂獨以笙名官。象東方生物以始之也。竽似笙長四尺二寸三十六管。宮管在中央。笙長四尺十三管。宮管在左。埙管簫解見小師。簫如遂三孔。篪長尺四寸圍三寸八孔。一孔上出寸三分。遂笛也。長三尺四寸六孔。春牘應雅三樂器名。春牘以竹大五六寸長七尺。短者一二尺。端有兩孔。髹畫之以兩手觸地應長六尺五寸。中有推雅如漆。簫而弁口大二圍長五

尺六寸。鞀以羊韋疏畫有兩紐。三器皆在庭賓醉而出奏。戒夏戒戒也。以此三器築地爲行節。明不失禮也。鐘笙合鍾之笙。堂下之樂。廡樂器。廡笙竽等器。奉而藏之。奉此明器藏墳中。國有大故則大旅。但陳設樂器而不作。

鑄師中士二人。下士四人。府二人。史二人。胥二人。徒二十人。

鑄鐘特縣者。掌鼓而謂鑄師鼓以金先也。

鑄師掌金奏之鼓。凡祭祀鼓其金奏之樂。饗食賓射亦如之。軍大獻則鼓其愷樂。凡軍之夜三鑿威皆鼓之。守

鑾亦如之大喪廢其樂器奉而藏之

鐃師不擊鐃掌擊鼓奏鐃也司徒鼓人以晉鼓鼓金奏金奏九夏鐘師擊鐘則鐃師擊鼓軍夜三鑾黃昏夜半旦明三通也守鑾防守巡警之鼓鼓人職云蕤鼓鼓軍事軍中之鼓皆謂守鑾厥樂器厥鼓也奉而藏之藏明器之鼓于壙中

按鄭註擊鐃視瞭也以鐃師等皆瞽人瞽工既三百人矣而其長大夫士又皆無目者與是書所以爲瀆亂不驗也

隸 師下士二人府一人史一人舞者十有六人徒四

十八

韎韐韐戎服詩云韎韐有奭皮衣色赤舞者服以舞也

韎師掌教韎樂祭祀則帥其屬而舞之大饗亦如之  
明堂位云韎東夷之樂祭祀用之象服遠也周居西  
土東方之夷最遠故舞東夷之樂昭王化之遠也  
旄人下士四人舞者衆寡無數府二人史二人胥二人  
徒二十人

旄毛通旄牛尾舞者持以指麾

按論語有八佾春秋有六羽大事之樂舞有常數此

云衆寡無數乃所謂散樂耳

施人掌教舞散樂舞夷樂凡四方之以舞仕者屬焉凡祭祀賓客舞其燕樂

散樂猶雜樂夷樂四夷之樂皆有歌有樂有舞以舞仕以善舞供事在官者燕樂燕閒之樂卽散樂燕禮有房中之樂蓋此類

按祭祀賓客大禮也樂必以雅而舞散樂用夷禮豈周公之制作與

籥師中士四人府二人史二人胥二人徒二十人

籥解見笙師舞者所執且吹且舞詩云左手執籥右

手秉翟

簫師掌教國子舞羽敝吹簫祭祀則鼓羽簫之舞賓客饗食則亦如之大喪敝其樂器奉而藏之

舞羽持鳥羽舞敝簫吹且舞鼓羽簫之舞謂擊小鼓爲舞節也敝其樂器卽敝簫也奉而藏之奉明器之簫藏于壙中也

簫章中士二人下士四人府一人史二人胥二人徒二十人

章謂簫所吹歌曲

簫章掌土鼓豳簫中春鼙擊土鼓敝豳詩以逆暑中秋

夜迎寒亦如之凡國祈年于田祖歛豳雅擊土鼓以樂  
田畯國祭蜡則歛豳頌擊土鼓以息老物

土鼓植土爲匡輓以革豳豳風七月之詩所言皆天  
時農政故歲事用之土鼓以象農豳簫以豳詩奏簫  
中春春分暑氣將至迎之以晝從陽也中秋秋分寒  
氣將至迎之以夜從陰也祈年求豐年田祖神農豳  
雅卽豳風明農務本陳善納誨亦謂之雅稱贊先公  
功德亦謂之頌田畯農官蜡歲終之祭蜡言腊槁物  
也物至冬而槁古聖人大索其神祀之送終之祭易  
曰萬物勞乎坎北方物老休息之鄉故曰以息老物



蜡而農事休矣

韃低韃句氏下士四人府一人史一人胥二人徒二十人

韃韃革履無飾夷舞者所著也

韃韃氏掌四夷之樂與其聲歌祭祀則飲而歌之燕亦如之

一緯書云東夷之樂曰韃持矛助時生南夷之樂曰任持弓助時養西夷之樂曰侏儻持鉞助時殺北方之樂曰禁持楯助時藏其聲歌卽四夷之聲歌

按四夷之樂王者所以象服遠之功必如取四夷之

人言語衣服聲音樂器奏諸廟庭豈肅雝之禮與  
典庸器下士四人府四人史二人胥八人徒八十人  
庸功也古者有大功則銘諸鐘春秋傳季氏以所得  
齊之兵作林鐘銘功是也伐國所得樂器如書顧命  
胤之舞衣鼓鼓之類皆樂之庸器也

典庸器掌藏樂器庸器及祭祀帥其屬而設筭虞陳庸  
器饗食賓射亦如之大喪廡筭虞

藏收藏也庸器亦有非樂器者故云樂器庸器是職  
所藏專爲樂器耳樂之庸器不可作樂但藏以示守  
有大事陳設之筭虞以縣鐘磬橫曰筭直曰虞或作

錄大喪則獻藏不作樂也

按鄭謂庸器如崇鼎簋鼎之類然則何預樂事大喪獻筭處不言獻庸器者庸器常藏也獻筭處不言奉而藏之者明器有鐘磬無筭虞也

司干下士二人府二人徒二十人

干楯也以蔽石矢辨人執之以爲舞器司非止干但以干命官

司干掌舞器祭祀舞者旣陳則授舞器旣舞則受之賓饗亦如之大喪獻舞器及葬奉而藏之

舞器非止干故不言干獻器卽獻舞干藏明器亦然

大卜。下大夫二人。卜師。上士四人。卜人。中士八人。下士十有六人。府二人。史二人。胥四人。徒四十人。

龜曰卜。卜。赴也。赴與報通告也。春秋傳來告曰。赴命。官以上而筮與夢皆卜類。兼掌之。是書所重于禮。惟鬼神。凡神事屬焉。

大卜。掌三兆之灋。一曰玉兆。二曰瓦兆。三曰原兆。其經兆之體。皆百有二十。其頌皆千有二百。掌三易之灋。一曰連山。二曰歸藏。三曰周易。其經卦皆八。其別皆六十有四。掌三夢之灋。一曰致夢。二曰觭奇夢。三曰咸陟。其經運十。其別九十。

上取龜底甲灼以火視其焦拆之文而占吉凶曰兆  
兆象也玉瓦原三皆拆文成罅未離者玉拆微瓦拆  
麤原拆開平田曰原田土乾裂似龜文俗云龜均拆  
也經猶正也體兆象頌兆書辭春秋傳謂之繇市兆  
百有二十頌千有二百每體十繇也連山六畫艮卦  
艮爲山上下兩艮曰連山歸藏坤卦坤爲地百昌歸  
土曰歸藏周易文王周公所演繫夏易首艮夏正建  
寅當艮方故首艮殷正建丑始生地故首坤周正建  
子始分天故首乾經卦八乾坤艮兌震巽坎離皆三  
畫又以八錯八爲六畫八八六十有四曰別人畫而

陽神外朗，寃爲主，向離爲覺，夜而陰精內抃，鬼爲主，背坎爲夢，夢與覺，人身中陰陽，故以夢參卜筮，占吉凶，致夢因思慮聞見致者，角一仰一俯曰觥，觥夢反覆異常者，咸感也，感無心曰咸，陟升也，鬼濁而沈，寃清而升，鬼寢寃交，夢中所至，皆寃氣感通，升陟曰咸，陟，運氣運，凡夢皆神氣轉運，故占夢之書曰運，運別有九十，一運有九變也。

按鄭以三兆三夢配三代，甚牽強，謂咸陟作咸得，運作輝，近迂。

以邦事作龜之八命，一曰征，二曰象，三曰與，四曰謀，五

曰果六曰至七曰雨八曰瘳以八命者贊三兆三易三夢之占以觀國家之吉凶以詔救政凡國大貞卜立君卜大封則眡高作龜大祭祀則眡高命龜凡小事泣卜國大遷大師則貞龜凡旅陳龜凡喪事命龜

邦事邦國所占之事命謂主者以所占事命龜征軍政象天象災異也與許諾也謀計畫果決疑至期望雨旱乾瘳疾病贊猶參也以卜筮夢三者相參占吉凶救政轉禍爲福也貞正也有疑質正曰貞大貞有大事卜立君大封二者皆大事眡視同高猶上也俗語物上曰高頭夏官射鳥氏云矢在侯高卜師以龜

授大卜審視骨上完潔及所當灼處鄭謂近足高處  
迂也作龜卽灼龜大貞大卜親眡親作大祭祀次之  
視高而不作但命以所卜之事小事則臨之耳卜師  
眡之命之可也遷國興師亦大事貞龜亦大貞也旅  
謂國有大故旅祀神祇也陳龜陳設而祀也喪事命  
龜謂卜葬兆四者皆大卜親爲之鄭謂陳龜重于貞  
龜貞龜重于命龜迂也

按魯臧孫辰居蔡夫子譏其不智說者謂大夫家不  
得藏龜耳他日樊遲問智子曰務民之義敬鬼神而  
遠之可謂智然則聖人之意其可見乎卜者聖人所



以昭獨見一衆心也。人主內獨見于己心外合于卿大夫士庶人之心。然後可以加諸卜筮。非茫然無知專乞靈于鬼神也。禹可禪故舜卜。岐周可遷故大王卜。紂可誅故武王卜。臣代君死故周公卜。若其不可聖人不卜。卜即可。聖人亦不用也。故卜者卜諸心卜諸道耳。文王周公孔子之作易也皆本諸憂勤惕勵之心。以其進退存亡合諸天地日月鬼神。謂之易。故其贊易也。以人道爲本。是故河出圖洛出書。聖人則之。圖數五十有五。書數四十有五。聖人以五十學易理數同也。龜之吉凶卽筮之吉凶。天地無二道鬼神

無二理聖人無二心是書以三兆屬龜三易屬筮然則易之爲書合于筮而戾于卜後世著短龜長承襲之謬說也而古人多用龜何也龜專爲卜設雜用伎方小術愚夫易曉筮則大易衍數四營十八變而成一卦筮繁龜簡小道易喻而大易難究豈短長云乎哉

卜師掌開龜之四兆一曰方兆二曰功兆三曰義兆四曰弓兆凡卜事眡高揚火以作龜致其墨凡卜辨龜之上下左右陰陽以授命龜者而詔相之

卜師職見前上士四人也開龜已開之龜龜背不可

卜用腹甲甲有直文一道分左右陰陽橫五文分十二段象五氣十二辰首尾兩段尖小不可兆中四段分四兆象四時首曰方兆象春生方始次二曰功兆居前高曰功象夏次三曰義兆近後寬平象秋曰義次四曰弓兆形曲向外曰弓象冬居終也方爲始元也功則通亨也義前後適中利也弓執持而固貞也以象四德厖高見上揚火作龜以火灼龜使拆也兆鬣微不可辨致墨浸潤使易見也首曰上尾曰下左爲陽右爲陰左右上下辨則四兆可知命龜者主人也詔者告以辭相者贊其禮

按鄭謂開兆爲開兆書引金縢開籒見書爲徵然方  
功義弓据下文上下左右甚明似非書鄭据爾雅以  
上下左右爲辨生龜生龜可辨枯甲不可辨卜師辨  
甲耳辨龜龜人事也

龜人中士二人府二人史二人工四人胥四人徒四十  
人

### 辨龜攻龜者

龜人掌六龜之屬各有名物天龜曰靈屬地龜曰繹屬  
東龜曰果屬西龜曰雷屬南龜曰獵屬北龜曰若屬各  
以其方之色與其體辨之凡取龜用秋時攻龜用春時

各以其物入于龜室上春釁龜祭祀先卜若有祭事則奉龜以往旅亦如之喪亦如之

名卽天地等六名物色也天龜玄地龜黃東龜青西龜白南龜赤北龜黑爾雅云龜俯者靈仰者繆前弇果後弇獵左腕不類右腕不若蓋俯者有神降之象故天龜靈仰者有紹天之象故地龜繆前弇者有長前仆而果于進有陽長之象故東龜果後弇者尾長後偃而躡其尾故南龜獵獵躡也左腕首左顧也左爲陽而龜陰物顧左則不類陰而類陽類卽靈也西陰方故西龜爲靈屬音右顧爲陰若猶類也不若反

陽若陰也。北亦陰方。故北龜爲若屬。屬者非一之謂。色卽玄黃之類。體卽前軀後弁之類。取龜用秋。以物成也。攻謂剝其肉。治其甲。用春。存生氣也。六龜各有室。各以物色分別藏之。上春孟春。釁以牲血塗而祭之。助其靈也。祭祀先卜。謂釁龜時祭。古之始爲卜者。祭祀大旅。喪三事皆用卜。

蕪氏下士二人。史二人。徒八人。

蕪楚也。所以燃火灼龜。士喪禮謂楚煇也。

蕪氏掌其燋契。以待卜事。凡卜以明火。燋燋。遂飲其燋契。以授卜師。遂役之。

焦猶炬也。焦薪燃明火以待契者。契。焚火木以灼龜。卽楚也。或謂契刮龜刀。据下文煖契則契實垂耳。明火以陽燧取火日中不用木石之火也。煖契銳頭讀若罇。拄于焦上吹之使燃以授卜師役之爲卜師供揚火致墨等役。

占人下士八人。府一人。史二人。徒八人。

掌占卜筮之書。

占人掌占龜以八簪。筮占八頌以八卦占簪之八故以。眡吉凶。凡卜簪君占體。大夫占色。史占墨。卜人占坼。凡卜簪既事則繫幣以比其命。歲終則計其占之中否。

頌卽八命之頌。八故卽八事之故。古者先筮後卜。卜筮卜其所筮。圻文有縱橫邪直上下。所謂體也。色謂色有光澤昏昧。連絡陵犯也。墨以墨畫灼處。觀其食圻。謂灼處罅圻卽兆也。墨食圻明吉。不食圻昏凶。圻而觀墨。墨而觀色。色而後體。備卜人史大夫皆爲君占也。旣事謂卜筮畢。則以禮神之幣書其所命事。比而記之。歲終通計其驗否。

筮人。中士二人。府一人。史二人。徒四人。

揲策曰筮。以著草爲策。四十九。四營十八變。成一卦。詳周易。



簪人掌三易以辨九簪之名。一曰連山。二曰歸藏。三曰周易。九簪之名。一曰巫比。二曰巫式。三曰巫目。四曰巫比。五曰巫式。六曰巫目。七曰巫比。八曰巫式。九曰巫目。以辨吉凶。凡國之大事。先簪而後卜。上春相簪。凡國事共簪。

簪有九名。猶龜有八命也。巫當作筮。更改也。如遷國之類。咸皆也。謂衆是衆非。式試同用也。謂用人如堯試舜之類。易交易。如鄭以祊易許之類。比親也。逆女求昏之類。祠郊社之類。參參乘。卜車右與御也。環。卽夏官環人。遣偵敵情者。如今探卒。去輒還曰環。大事。

先筮後卜。筮不吉則不卜。筮吉卜不吉亦不爲也。相  
筮採蓍草。

按六籍盡天下之理。而周易括六籍之奧。儻所謂連  
山歸藏者。何以加諸。使連山歸藏與周易並美。文王  
可無事重演。周公孔子可無事繫贊矣。今以周易爲  
未足。必益以連山歸藏。周易連山歸藏三易。祇以供  
一筮之用。然則筮不已重哉。而猶謂未足也。必決諸  
卜。是何龜之重。而易之輕與。筮之說在周易詳矣。卜  
如世俗所傳。大抵多緯言。稗術。孔子五十學易。惡夫  
居蔡者。然則龜不長于蓍。二者皆鬼事。是書以事鬼。

爲禮併屬宗伯。或者欲移而之冢宰。以天亦鬼神之類。豈聖人無所禱之意與。

占夢。中士二人。史二人。徒四人。

掌占夢之吉凶。

占夢。掌其歲時。觀天地之會。辨陰陽之氣。以日月星辰占六夢之吉凶。一曰正夢。二曰噩夢。三曰思夢。四曰寤夢。五曰喜夢。六曰懼夢。季冬聘王夢。獻吉夢于王。王拜而受之。乃舍萌于四方。以贈惡夢。遂令始難。羅歐疲

歲謂十二月。時謂四時。天地之會。謂日月所會之次。天用干。地用支。干左旋。支右旋。左爲陽建。右爲陰建。

如正月陽建在寅則陰建在亥日躔娵訾之次餘可  
序推氣五行休王之氣如春三月木王王之所勝者  
死木勝土死水生木則休木生火則相相之所勝者  
囚火勝則金囚餘以此推日月星辰謂日月會合所  
在之星辰如正月次亥當危奎二月次戌當奎胃三  
月次酉當胃畢之類占夢謂以所夢年月日辰參天  
地陰陽之氣而占休咎如春秋傳趙簡子夢童子裸  
而轉以歌旦而日食史墨占後六年吳入郢之類正  
夢謂神清氣寧得夢噩驚愕叫號之貌夢之不正者  
也思夢緣思想成夢寤夢似夢非夢似覺非覺如今

之寤寐也。喜夢。夢中順境。懼夢。夢中惡境。季冬歲除也。聘王夢。訪問夢有關於國家者。如詩牧人。乃夢之類。必于季冬者。舊除新生。來年之兆也。舍猶釋也。萌惡兆也。除萌。卽月令九門禳穰及下文毆疫之類。鄭云。釋菜之始生者。贈惡夢。送使去。聘其吉者。獻于王。舍其惡者。送于遠也。難作。難走相逐也。毆猶逐也。疫惡疾也。季冬寒氣方盛。微陽未達。令民間喧呼以達陽氣。逐陰慝也。本夏官方相氏掌之。而占夢。今之月令。命有司大雩。旁磔。出土牛。以送寒氣。是也。

按夢之言。懣也。以明白之人事。而求諸著龜。過矣。又

求諸昏迷恍惚之夢以爲夢自鬼授繫諸卜筮委若  
之見而王者以設官分職則迂誕甚矣據其說惟因  
天地陰陽日月星辰以爲吉凶今堪輿醫方陰陽雜  
伎何者不然則天下草木瓦礫皆可占而何有于夢  
鄭康成謂占夢今亡亦一夢矣

祗禳中士二人史二人徒四人

禳邪氣相侵視其氣察災祥也

祗禳掌十輝

輝

之灋以觀妖祥辨吉凶一曰禳二曰象

三曰鑄

鑄

四曰監五曰閤六曰瞽七曰彌八曰敘九曰

隤十曰想掌安宅敘降正歲則行事歲終則弊其事

日爲陽精大君之象。禋陰侵陽也。輝光氣相掩映也。輝侵日實因日生故視禋皆言輝。妖凶氣祥吉象禋日邊有氣相薄象陰氣成形象如有物在日中之類。鐵錐也。如錐刺日。監臨也。兩物在旁如珥之類。闇當晝而暗也。膏日不明。彌氣障天。敘次也。每日至其時則輝如定敘也。躋升也。氣自地起觸天想彷彿非有非無不可名狀。安宅禳除使安居。敘降君移災于卿大夫以至士庶民。天官旬人代王受災眚是也。正歲謂正月朔日。祗妖祥察十輝。惟此時爲要歲終弊事斷一年吉凶驗否。

大祝下大夫二人上士四人小祝中士八人下士十有  
六人府二人史四人胥四人徒四十人

告神曰祝

大祝掌六祝之辭以事鬼神示祈福祥求永貞一曰順  
祝二曰年祝三曰吉祝四曰化祝五曰瑞祝六曰筴祝  
掌六祈以同鬼神示一曰類二曰造三曰禮黃四曰禱  
詠五曰攻六曰說

六祝卽下順年等皆因祭祈禱各有祝辭大祝所祈  
皆郊祀天地社稷宗廟大禮福祥永貞爲國家生靈  
祈求也順謂天人和同底于大順年謂五氣時若年



穀順成吉。謂斂時五福。吉無不利。化謂化洽含生。頑梗潛消。瑞謂協氣致應。四靈畢至。筴謂龜筴不違于人。是謂大同。六祝脩正祀祈祝也。六祈因祈禱致祀也。鬼神示怨而不同。故災應作祈。所以同也。類各以氣類感格。造就其神所在致祭也。禮會財祈福。崇脩營壇位。攻毆逐攘除。說辭請告諭。

作六辭以通上下親疏遠近。一曰祠。二曰命。三曰誥。四曰會。五曰禱。六曰誅。辨六號。一曰神號。二曰鬼號。三曰示號。四曰牲號。五曰齎號。六曰幣號。辨九祭。一曰命祭。二曰衍祭。三曰炮祭。四曰周祭。五曰振祭。六曰擗祭。

七曰絕祭八曰繅祭九曰共祭辨九擗并一曰稽首二曰頓首三曰空首四曰振動五曰吉擗六曰凶擗七曰奇基擗八曰褻擗九曰肅擗以享右祭祀

上下親疏遠近合神人言上天神下地示親祖考疏百物近五祀遠山海嶽瀆通達神明莫不有辭盟會征伐賓客昏姻之好凡致辭必質鬼神稱祖考所謂通上下親疏遠近也祠廟祀命命神之卑者如命龜命筮猶今諭祭之辭詰詰神之尊者如敢昭告皇皇后帝之類會盟會敵血設誓之類禱災病求神于路請禱之類誅累敘死者生平哀公誅孔子之類六者

皆有辭皆大祝作之六號卽祝辭所稱神號如天稱  
皇天之類鬼號如祖稱烈祖之類示號如地稱后土  
之類牲號犧牲之類盥號明粢之類幣號量幣之類  
皆易其常名所以致美而歆鬼神也九祭皆尸祭凡  
尸受獻受薦皆先祭後食祭則大祝贊之命祭祝命  
佐食取品物授尸以祭行作饗祭黍稷也炮祭燔炙  
也周徧祭也曲禮云穀之序徧祭之振如振袂之振  
揮也羞品有汁滓者振去以祭也擣擣同揉也取肉  
揉于醢醢中以祭絕斷也舉肺斷其末以祭橫曰絕  
直曰燎共祭謂尸祭則祝與佐食供之擗拜同俯首

屈躬交手曰擗。稽顙空三者皆首也。振動吉凶三者皆身也。奇褒肅三者皆手也。稽叩也。擗也。稽首以頭叩地頓著也。頓首頭著地不叩也。空首頭懸空不及地也。振動拜而惶悚戰栗也。吉舒徐雍容平等交拜也。凶哀痛迫切五體投地也。一拜曰奇。如儀禮君答臣一拜也。崇讓曰褒。卽今鞠躬長揖也。肅拜直躬端肅微下其手答卑幼之禮。猶今婦人立拜也。享享賓右。侑通勸尸也。

凡大禋祀肆享祭示則執明水火而號祝。隋曩句逆牲逆尸。令鐘鼓右亦如之。來替。今皐舞相尸禮既祭。令徹

大喪始崩以肆鬯滌尸相飯贊斂徹奠言旬人讀禱付  
練祥掌國事國有大故天裁彌祀社稷禱祠大師宜于  
社造于祖設軍社類上帝國將有事于四望及軍歸獻  
于社則前祝大會同造于廟宜于社過大山川則用事  
焉反行舍釋奠建邦國先告后土用牲幣禁督逆祀命  
者頒祭號于邦國都鄙

大禋祀祀天神肆享陳牲享人鬼祭示祭地祇明水  
以鑑取水于月明火以燧取火于日明潔也執水火  
者水火百物之先稱其嘉號致祝也隋墮同奠物于  
地以祭曰隋洒除曰灋將祭脩其壇墠廟宇大祝執

明水火隋祭釁除以致明潔如今開壇洒淨之類鄭以隋釁連下作薦血解恐非逆牲逆尸當祭之事牲入尸入鐘鼓奏昭夏肆夏皆大祝令之右侑通勸尸食也亦如之亦令鐘鼓也來瞽皐舞見樂師此大祝來之令之也肆鬯陳設鬯酒海尸浴尸相飯助飯舍徹奠徹大小斂之奠甸人卽甸師天官之屬掌治藉田喪事則代王受管災言大祝言于神讀禱大祝爲禱辭讀以告藉田之神付祔同旣卒哭祔主于廟練小祥祥大祥國事謂祭祀禮儀皆大祝掌之彌祀徧祀卽大旅也禱祠禱各神祠大師王親征宜祭社造

于祖祭祖廟也。設軍社以社主從軍。軍歸獻功于社。大祝先告王。後臨也。用事用祭也。反王反行舍奠釋其器奠其物于神。無迎尸以下。及薦獻等事。禁止其將然。督責其已然。逆祀命。謂僭用祀禮者。頒祭號謂頒其所當用之名號。使遵守也。

按卜筮以下至祝巫等職。爲禮愈駁雜。名法亦浸假杜撰。若八命九筮六夢十輝六祝六祈六辭之類。事乏典要。目亦煩簡。失中而鮮倫次。譎張爲幻矣。

小祝掌小祭祀將事。侯禳禱祠之祝號。以祈福祥。順豐年。逆時雨。寧風旱。彌裁兵。遠臯疾。大祭祀逆盥盛送逆。

尸沃尸盥贊隋贊徹贊奠凡事佐大祝大喪贊淠設熬  
置銘及葬設道齋之奠分禱五祀大師掌釁祈號祝有  
寇戎之事則保郊祀于社凡外內小祭祀小喪紀小會  
同小軍旅掌事焉

小祝職見大祝將事猶言奉事侯禳禱祠卽小祭祀  
侯迎祥禳禦災禱祈求祠報賽祝六祝號六號順猶  
願也逆迎也逆盥盛尸入室將饋食黍盛自廟門外  
迎入也送祭畢送尸也逆始祭迎尸也沃酌水也盥  
洗手也隋墮同尸將食取肉黍稷墮祭于豆間士虞  
禮祝命佐食墮祭是也凡事凡祭事設熬熬黍稷置



棺旁惑蚍蜉也。銘書死者姓名于旌，置西階上，表識之道齋之奠。將葬，設大遺奠于廟庭，包其牲體以車載送。曰：道齋，分禱五祀，亦謂葬時祭宮中戶竈中雷門行之神。告王去不反也。大師，大出師，釁以血，釁鼓祈禱祭號祝，猶告祝。保郊，保護四郊神壇社主。兵祀以求福。小祭祀，林澤墳衍百物之祭。小喪紀，世子及諸侯大臣之喪。小會同，諸侯不時來見。小軍旅，命將出師，皆小祝掌其事。

按古聖王所以銷戡彌患，動天地而感鬼神者，惟其脩德行仁，克當四海兆民之心，卽天地鬼神不能違。

矣故曰惟仁人爲能饗帝惟孝子爲能饗親身不行  
道而脩禱將之文結怨于四海而求釋恨于鬼神雖  
有神著靈龜千巫百祝捨身戡罪如梁武帝之爲者  
曾何救于死亡哉是書所以瀆亂不驗也

喪祝上士二人中士四人下士二人府二人史二人胥  
四人徒四十人

### 掌送死之事

喪祝掌大喪勸防之事及辟令啓及朝御匱乃奠及祖  
飾棺乃載遂御及葬御匱出宮乃代及壙說載除飾小  
喪亦如之掌喪祭祝號王弔則與巫前掌勝國邑之社

稷之祝號以祭祀禱祠焉。凡卿大夫之喪掌事而斂飾棺焉。

勸謂執纛柩前却行勸帥六引防謂執披者居柩旁防傾側也辟開也王崩七日而殯敢塗其棺七月而葬開塗啓殯喪祝令之也朝柩將葬朝于祖廟匱柩同御匱以輜車載柩適廟喪祝爲御乃設遷柩之奠旣朝卻柩階間向外設祖奠祖始也凡出行之始皆有祖祭旣祖設柳飾棺乃載以行亦喪祝爲御柩車出宮喪祝上士二人相與更代而御及窆所脫載扶柩下車除去柳髮說脫通小喪王后世子以下之喪

喪祭虞祭葬日以虞祭易奠祝號卽六祝六號王弔  
臣喪喪祝與巫執桃茢前除穢惡勝國邑所滅亡之  
國邑皆存其社稷之祀喪祝掌之以其爲喪國也掌  
事掌喪事

甸祝下士二人府一人史一人徒四人

四時田獵祈禱者

甸祝掌四時之田表貉之祝號舍奠于祖廟禘亦如之  
師甸致禽于虞中乃屬禽及郊饁獸舍奠于祖禰乃敘  
禽禱禱牲禱馬皆掌其祝號

四時之田春蒐夏苗秋獮冬狩皆大司馬之事貉禡

通祭始爲兵者無壇壝立表以祭田動衆講武必禡  
必告廟舍奠猶釋奠不立尸不饋獻釋所奠物于神  
前耳禡父廟師甸謂大衆旣田虞人立表田中獲者  
各致禽于表下甸祝分別屬類計其多寡師還及郊  
以所獲獸獻郊壇謂之醴獸野饋曰醴再言舍奠出  
告反面也斂禽謂頒禽各分斂之禡禱同禱牲求獲  
多也禱馬求強壯也詩云旣伯旣禱鄭註迂僻

詛祝下士二人府一人史一人徒四人

詛惡誓詛人于神使禍之詩曰出此三物以詛爾斯  
書曰厥口詛呪

詛祝掌盟詛類造攻說禴祭之祝號作盟詛之載辭以敘國之信用以質邦國之劑信

盟明誓于神詛阻犯盟者類造以下六者解見前載辭書辭于策爲坎殺牲加書于上告神埋之渝此者神禍之敘國之信用卽載辭所敘如葵丘五命之類使同盟信而用之質正也劑券也有劑信者必盟詛之使質正而不敢背也

按先王所以服人心一四海者仁義忠信爲本殺牲建血要鬼神爲質發不祥之語以要挾愚蒙此市井狙儈欺罔之術薦紳羞稱之況有天下者乎詩云君

子屢盟。亂是用長。五霸之事。所以見譏于春秋也。世儒不知春秋誤信周禮。以盟詛爲先王之舊。豈不謬哉。

司巫中士二人。府一人。史一人。胥一人。徒十人。

巫言無也。鬼神無形。故事神曰巫。

司巫掌羣巫之政令。若國大旱。則帥巫而舞雩。國有大災。則帥巫而造巫恒。祭祀則共匱。丹主及道布。及菹館。凡祭事守廕。凡喪事掌巫降之禮。

舞以樂神。雩吁也。嗟吁而舞。禱雨之祭。巫女巫舞。旱以女。恒常舞。處旱久。則常舞。匱主以器盛神主。人捧

一曰單布。主巾。道主在道。以布拚覆。防藥也。藉以茅爲藉。主入館。藉以茅。皆奉神主至壇場陳設之事。守瘞。謂祭畢。牲王之類當埋者。守而埋之。巫降。神氣在天。巫降之下也。

男巫無數。女巫無數。其師中士四人。府二人。史四人。胥四人。徒四十人。

巫職尤不經

男巫掌望祀。望衍授號。旁招以茅。冬堂贈。無方無筭。春招弭以除疫病。王平則與祝前。

望祀。謂不見其神。望想以祀。衍。演習。歌呼舞蹈。望其



神來也。授號神本虛無。授以名號。旁招四方。徧招茅  
旄通執旄舞之以招神也。冬歲除。堂宅也。贈。古本作  
贈。逐疫宅內。桃爲弓矢射四方。辟鬼物曰堂贈。猶秋  
官庭氏以大陰之弓。在矢射之之類。無方。無定向。無  
算。無定數。皆謂贈也。鄭據占夢職贈送惡夢。與無方  
無算未協。春陽發生。招福弭災也。

女巫掌歲時祓除釁浴。旱暵則舞雩。若王后弔則與祝  
前。凡邦之大裁。歌哭而請。

祓除。拂去不祥。釁。取牲血歆鬼神。浴。洒掃。如今人淨  
竈室之類。膜。執氣舞雩。見司巫。旱舞用女。致陰氣也。

歌以樂神哭以告哀且歌且哭女巫巫下神之狀

按巫言誣自古有之非先王之正典禮古訓曰恒舞于宮酣歌于室是謂巫風然則古人所深禁也何爲反設之官導其婦女爲此誕罔不經之事乎在易中孚之六三曰或鼓或罷或泣或歌巽兌二陰不正邪媚之象制禮者欲使婦人習之格鬼神祈福祥不已謬與

太史下大夫二人上士四人小史中士八人下士十有六人府四人史八人胥四人徒四十人

史者文章之司紀載之官大史掌圖籍司天文小史

貳之馮相保章皆其屬昔晉韓起適魯觀書于大史氏見易象與魯春秋則是大史所藏書不止天文占測耳據目國之令甲萬民之約劑及諸禮書皆掌焉月令云大史守典奉法皆禮事或者欲移屬天官豈以天官爲象緯占測之司而已乎凡天官皆衰職王者無爲天道資始故乾居西北四時得正用事天垂象不自占故大史掌典法則以逆邦國官府都鄙之治此春官所爲首四時承天運而稱宗伯者也

大史掌建邦之六典以逆邦國之治掌灋以逆官府之治掌則以逆都鄙之治凡辨灋者攷焉不信者刑之凡

邦國都鄙及萬民之有約劑者藏焉以貳六官六官之所登若約劑亂則辟濫不信者刑之

六典八灋八則皆冢宰掌之小宰司會既貳之矣此云掌者蓋掌其典灋則之文書耳掌其文書則并與其逆考凡以法相爭辨者大史攷而聽斷之不信謂事理乖違詐冒者約劑猶今勘合文書凡賦役刑名違上行下有期會者皆是皆有副文藏于大史以佐六官之治及佐六官所登記之籍約劑亂謂不以時行復及竊闕之類辟開也大史開其所藏之法考之不如約劑者刑之

正歲年以序事頒之于官府及都鄙頒告朔于邦國閏月詔王居門終月

正歲年以序事謂治曆授時使民因時作事頒頒曆日頒告朔謂以十二月朔及其月所行政事頒于邦國諸侯諸侯受而藏于祖廟每月朔則告廟請行之詔王居門卽月令天子按月居明堂十二位閏月無位則居于門王藻曰閏月闔門左扉立于其中終月終閏月

按閏月王居門之說緣于明堂明堂之名見于孟子與詩序蓋天子巡守朝會之堂取南面向明之義青

陽總章玄堂等名出月令秦世處士之譚而王藻附會之鄭氏援字意王在門作解不思閏月始堯典帝世無王焉得以王在門爲閏凡禮事不折衷于詩書多緯稗之言君子未嘗過而問焉

大祭祀與執事卜日戒及宿之日與羣執事讀禮書而協事祭之日執書以次位常辨事者攷焉不信者誅之大會同朝覲以書協禮事及將幣之日執書以詔王大師抱天時與太師同車大遷國抱淩以前大喪執淩以泣勸防遣之日讀誄凡喪事攷焉小喪賜諡凡射事節中舍筭執其禮事

執事謂大卜之屬占人職云史占墨是也戒謂散齋  
七日宿謂致齋三日讀禮協事謂考禮書合所行事  
使無違錯也次位常謂序貴賤常位辨事謂以位事  
相爭辨者大史執書以考正之妄冒僭越者誅之大  
朝會以書協禮事謂先事考訂肄習也將幣諸侯既  
朝奉享幣于廟則執書以禮事告王大師王出征抱  
天時抱占象之書太師樂官掌執同律聽軍聲者大  
史與同車共察天時處吉凶也遷國抱法抱所藏典  
籍之類勸防見前執法以泣糾其怠事者遣之日柩  
行之朝設遣奠于廟庭諫哀辭凡喪事考其不如法

者刑之誅之凡射謂王與賓客羣臣其射盛筭之器  
曰中筭籌也以記射中者飾脩飾舍猶釋也每中一  
矢釋一筭于中旁

按先王之制禮也情順而事簡用和而體安使人習  
而利之是故可大可久而人無犯禮之失故曰先王  
之道斯爲美小大由之何刑禁誅責之有今大史一  
考禮不信而誅之者一不信而刑之者再豈聖人所  
以化民成俗之意煩瑣迫促名法多而艱難強世欲  
民不犯不可得已

小史掌邦國之志奠繫世辨昭穆若有事則詔王之忌



諱大祭祀讀禮灋史以書敘昭穆之俎簋大喪大賓客大會同大軍旅佐大史凡國事之用禮灋者掌其小事卿大夫之喪賜諡讀誄

小史職見上邦國之志謂記載邦國事蹟之書奠世繫解見瞽矇職彼云世奠繫謂古帝系此云奠繫世謂繫昭代之世辨昭穆卽因繫世而辨昭生穆穆生昭也有事謂祭事先王死日爲忌死名爲諱皆以告王讀禮灋謂大祭祀大史與羣執事撿讀禮書小史亦與也史以書卽所屬史八人供書寫之役者據禮法按昭穆書其世敘俎盛牲簋盛菜亦書其先後多

寡之敘鄭謂大史讀禮小史書敘誤也賜諡王賜卿大夫之諡必以辭告之所謂誅也誅則小史讀于樞馮平相氏中士二人下士四人府二人史四人徒八人馮凭同猶乘也相視也乘高以觀天象掌察七政之位夫世官曰氏氏猶家也春秋傳曰胙土命氏馮相氏掌十有二歲十有二辰十有二辰十有二辰十有八星之位辨其敘事以會天位冬夏致日春秋致月以辨四時之敘

歲謂歲星左行一年歷一辰所在之辰爲歲在寅曰攝提格在卯曰單闕在辰曰執徐在巳曰大荒洛在

月名與角  
午曰敦牂在未曰協洽在申曰涒灘在西曰作噩在  
戌曰掩茂在亥曰大淵獻在子曰困敦在丑曰赤奮  
若歷十二舍爲十有二歲之位而成一紀月謂斗柄  
所建每月與日會于一辰自正月建寅至十二月建  
丑凡歷十二朔而成一歲是爲十有二月之位辰卽  
日月所會之次正月次亥曰陬訾二月次戌曰降婁  
三月次酉曰大梁四月次申曰實沈五月次未曰鶉  
首六月次午曰鶉火七月次巳曰鶉尾八月次辰曰  
壽星九月次卯曰大火十月次寅曰析木十一月次  
丑曰星紀十二月次子曰玄枵是爲十二辰之位天

干甲乙丙丁戊己庚辛壬癸是爲十日之位東方角  
亢氏房心尾箕南方井鬼柳星張翼轸西方奎婁胃  
昂畢觜參北方斗牛女虛危室壁是爲二十八星之  
位十二辰二十八星者天位之體也十二歲十二月  
十日者紀曆之數也天象有位則人事有敘如仲春  
平秩東作厥民析其月建卯日月會于降婁爲奎婁  
之次仲夏平秩南訛厥民因其月建午日月會于鶉  
首爲井鬼之次仲秋平秩西成厥民夷其月建酉日  
月會于壽星爲角亢之次仲冬平秩朔易厥民隤其  
月建子日月會于星紀爲斗牛之次以至十有二歲

十有二月所會天位皆可推也致日者樹八尺之表于日中冬至日在牽牛景長丈有三尺夏至日在東井景長尺有五寸此長短之極所以致日也致月者春分日在婁月上弦于東井下弦于牽牛秋分日在角月上弦于牽牛下弦于東井此長短之中所以致月也致日必于冬夏致月必于春秋者天度一月易一位一時易一方推日月所經正在二分二至爲天度之中分至之氣正則四時之序正矣

保章氏中士二人下士四人府二人史四人徒八人

保守也章天文也世守天文之官掌觀七政之變動

保章氏掌天星以志星辰日月之變動以觀天下之遷  
辨其吉凶以星土辨九州之地所封封域皆有分星以  
觀妖祥以十有二歲之相觀天下之妖祥以五雲之物  
辨吉凶水旱降豐荒之祲象以十有二風察天地之和  
命乖別之妖祥凡此五物者以詔救政訪序事

天體無方步占以星爲主故曰掌天星星謂木金水  
火土五星木曰歲星火曰熒惑星土曰鎮星金曰大  
白星水曰辰星辰謂二十八宿分爲十二辰二十八  
宿經天不移無以見吉凶惟日月五星行乎十二月  
辰之次畱伏順逆是生變動日有薄蝕暈珥月有虧

盈朒

挑上聲

側五星有盈縮圓角天象變動則人事遷

移可辨其吉凶也星土謂十二辰分主十二土星紀

吳越也玄枵齊也娵訾衛也降婁魯也大梁趙也實

沈晉也鶉首秦也鶉火周也鶉尾楚也壽星鄭也大

火宋也析木燕也凡日月薄蝕于其分五星盈縮守

犯於其處彗孛客星見于其野則妖祥可觀也歲星

爲東方龍精天德貴神所在之野其國不可加兵一

歲移一辰十二歲一周天故天行以歲爲年妖祥以

歲爲占順軌則祥乖次則妖其象可觀也五雲之物

謂雲氣之色春秋傳云凡分至啓閉必書雲物占測

家以青爲蟲赤爲兵荒黃爲豐白爲喪黑爲水降自  
天降禳象垂氣十二風謂十二月之風距冬至四十  
五日條風至又四十五日明庶風至又四十五日清  
明風至又四十五日景風至又四十五日涼風至又  
四十五日闔閭風至又四十五日不周風至又四十  
五日廣莫風至以十二律管理地中深淺按月候以  
驗氣之應否也命猶分也垂異也別離也妖祥者不  
和之徵五物謂天星星土歲相雲物風氣也救政謂  
脩禳以回天變訪諮訪序事順敘之事訪序事所以  
救垂事也



按天象五行休咎之說多端其要以人主脩德行仁  
爲本人主之身卽天下人之身人主之心卽天下人  
之心天下人之心卽天地之心其氣一其理同不可  
謂天有必然之數而無與于已不可謂人有自作之  
孽而無與于天聖人所以致中和位天地育萬物者  
其道不過如此若夫推日月之躔次以爲妖祥測五  
星之運行以驗休咎如春秋傳裨竈史墨諸人之說  
則是日月五星日流行于天地之間盈虛參差往往  
而是過一分彼當其咎少一分此受其殃是天道無  
時不以降災爲事人物受譴蒙譴無虛日豈造化生

物之理乎。所以牽強附會終不驗也。善言天者莫如  
易。聖人之繫易本諸人事而已。

內史中大夫一人。下大夫二人。上士四人。中士八人。下  
士十有六人。府四人。史八人。胥四人。徒四十人。

掌王之策命。凡書策皆禮之屬。

內史掌王之八枋。柄之灋。以詔王治。一曰爵。二曰祿。三  
曰廢。四曰置。五曰殺。六曰生。七曰予。八曰奪。執國灋。及  
國令之貳。以攷政事。以逆會計。掌敘事之灋。受納訪以  
詔王聽治。凡命諸侯及孤卿大夫。則策命之。凡四方之  
事書。內史讀之。王制祿。則贊爲之。以方出之。賞賜亦如

月  
之內史掌書王命遂貳之

枋柄通冠禮加柶面枋八柄卽冢宰八柄載在方策  
內史掌之掌其書遂執其灋國令之貳謂凡國令典  
皆掌其副執國灋以考政事之得失貳國令以逆財  
用之會計敘事卽小宰六敘百官以敘爲本朝廷有  
序則政紀清其法亦內史掌之納訪下有納誨上有  
延訪內史受以告王諸侯孤卿大夫有功德晉爵加  
等以策書王命授之四方有事上書讀而省之王以  
祿頒臣下贊王爲之等以方策書其數出而予之王  
賞賜亦然凡王有策命如生殺廢置予奪皆內史以

方出之。留其副書曰貳。

按史本典書策之名。故內史所掌皆書策之事。典籍簡策自當屬禮官。原無錯誤。其目卽冢宰八柄以贊王聽治執法。此宗伯所以佐冢宰。聽事共職者也。其屬七十。自鬱人以下。皆几筵鐘磬卜祝鬼巫之司。朝廷紀綱政掌。獨內史一職。春官承天而首四時。以此世儒疑其目相似。改置天官。非也。

外史。上士四人。中士八人。下士十有六人。胥二人。徒二十人。

掌王命達于四方。

外史掌書外令掌四方之志掌三皇五帝之書掌達書名于四方若以書使于四方則書其令

外令王命之布于外者四方之志記四海九州山川地理人物事蹟之書書名卽文字有點畫形象必有名字唯天子考文故傳達使通曉以簡書遣使臣適四方則書王命授之

御史中士八人下士十有六人其史百有二十人府四人胥四人徒四十人

御侍也掌法令之書數

御史掌邦國都鄙及萬民之治令以贊冢宰凡治者受

漢令焉掌贊書凡數從政者

六官之令莫備于冢宰冢宰爲法令之長其書數皆御史領之凡爲吏治事求法令者皆于御史受之贊書謂助佐書寫文字凡數謂凡精通九數以此二事從政在官者卽其史百二十人之輩皆御史掌之鄭解未達

巾車下大夫二人上士四人中士八人下士十有六人府四人史八人工百人胥五人徒五十人

巾車車上檐帷名器莫重于車故大夫掌之工車工巾車掌公車之政令辨其用與其旗物而等敘之以治

其出入

公車猶言官車用卽祀賓等用旗物旌旗物色卽大常大旂之屬皆建于車上者等謂差其貴賤如同姓異姓下至庶人之等敘卽敘其等治其出入謂出則供之入則藏之皆所謂政令也

王之五路一曰玉路錫陽樊纓十有再就建大常十有二旂以祀金路鉤樊纓九就建大旂以賓同姓以封象路朱樊纓七就建大赤以朝異姓以封革路龍鹿纓條纓五就建大白以卽戎以封四衛木路前淺樊鵠纓建大麾揮以田以封蕃國

大道曰路。凡王所在稱路。車以行道于義本切。故卽路名車。五路卽王金象革木。王路以玉飾車。其駕車之馬額間有金飾曰錫。錫者揚也。眉上曰揚。詩云揚且之顏也。樊輦通馬胸前革帶。今之扳胸。纓纓絡以五采罽纏束爲流蘇。縣輦間大者纏十二匝乃成。故曰十有再就。尤七五倣此。大常天子旗畫日月者也。旂垂旒旗正幅外裂繪綴下邊。凡十有二以祀乘此車郊祀也。金路金飾之車。鈎金鈎著輦上以懸纓。詩云鈎膺也。玉路有錫有鈎。金路有鈎無錫。錫在額鈎在項下當胸。纓九就殺其三也。大旂畫交龍者也。以



賓乘此車會同諸侯也。同姓以封，封王子弟則賜之也。象路，象齒飾車，以朱革爲馬帶，無鉤，其纓七就，視金路殺二也。大赤，赤旗，周所尚色。王出視朝所乘異姓。王甥舅之屬，革路，以皮鞅束使固。凡車皆然，此無飾，故但曰革路也。龍，厯通雜色也。勒，馬韁條，纓以窄皮爲帶，綴纓于上五就，視象路殺二。大白，白旗，周所勝色。殺于赤，兵事尚白，故用以卽戎。封四衛，封四方諸侯在要服內者，護王畿曰衛，建白卽戎，皆謂王非謂封四衛諸侯皆建白旗也。大麾亦然。木路，并革亦殺矣。凡車無革不可行，此甚言其朴。前作淺如士喪。

禮疏布緇翦之翦淺黑色也。鵠乾鵠鵠也。其色玄鵠。纓黑色纓麾揮也。旗以指揮黑色夏旗也。田曰獵。蕃國要服外蠻夷之長爲中國蕃蔽者。此上五路王皆兼用。諸侯則各從其等。上得兼下。下不得兼上也。王后之五路重翟。錫陽面朱總厭音押翟勒面績總安車。彤面鷩總皆有容蓋。翟車貝面組總有握輦車。組輓有翼羽蓋。

翟雉羽以爲車蔽。表裏皆翟。曰重翟。錫面與王王路馬面飾同。總馬轡其色朱。厭壓同。以雉羽鱗次相壓。不及重也。勒面謂如王馬龍勒之皮以爲馬面飾。績

總畫繪爲轡安車尋常出入安乘之車與祭饗禮法之車異彫面彫刻飾馬面鷖水鳥青色以鷖色繪爲轡容車帷蓋車頂蓋此重壓安三車皆周圍掩蔽飾以翟羽而上加幰帷也翟車以翟羽微飾之又次安車貝貝甲以飾馬面組總以絲繅爲轡握作幄此車無容蓋掩蔽但以繒帛爲幄韜其上輦車人所輓車制低小有輪無輻迫地行無馬無總以絲繅輓行別用斐扇掩其旁羽蓋覆其上

按曲禮云婦人不立乘又云大夫七十而上賜安車古者乘車皆立獨老人坐乘曰安車然則王后不立

乘五路皆安。今獨次三名安車，則是婦人亦有法車。不坐乘者矣。故禮家言不盡同。鄭又以重翟爲從王祭祀，壓翟爲從王饗賓。安車無蔽，朝王翟車出桑皆猜說。容蓋卽是蔽，皆有容蓋，括上三車。豈獨安車無蔽乎？翟曰：重曰：厭非蔽而何？据文前三車皆有蔽，後二車乃無蔽耳。幄與襲蓋正爲無蔽設。

王之喪車五乘：木車、蒲蔽、犬模、箕尾囊疏飾、小服皆疏。素車、焚蔽、犬模、素飾、小服皆素。藻車、藻蔽、鹿淺模、革飾。駟車、翟九蔽、然模、髮休飾、漆車、藩蔽、豸模、雀飾。

喪車大喪所乘車，木車、柴車。初喪無文之惡車，蒲蔽。

蒲編爲障蔽，軾凭處覆以皮，曰襍。犬狗皮尾車上所設戈矛，以狗尾爲旄，橐而藏之，疏粗布，襍橐皆以疏布緣飾之。小服短兵衣亦用疏布。次二曰素車，以白爲飾。葵蕢通以蕢麻爲蔽，素飾以白布爲緣。次三曰藻車，藻藻同水草，蒼色。鹿淺，鹿皮無裏者淺。倭通無飾曰倭。練祥後未遂用文，裯詩韓侯受命，鞞鞞淺襍，亦除喪用之。鄭謂鹿皮夏毛淺鑿也。革飾以無毛之皮爲緣。次四曰駢車，駢雜文，翟葦席然。果然猿屬莊子云：腹猶果然。髹髹同漆，飾曰髹。葦緣而加漆色，駢色髹飾，猶未全漆也。次五曰漆車，則純漆矣。藩蔽以

輦爲蔽。野胡地犬。或云狐與犬交生子。皮類狐。雀玄鳥色。亦輦也。

服車五乘。孤乘夏篆。卿乘夏綬。大夫乘墨車。士乘棧車。庶人乘役車。

服車。謂畿外六服臣民所乘車。孤公之孤。夏采色篆。彫刻車。衡畫采。加彫篆也。綬。雜文畫而不彫。曰綬。墨車。黑漆無畫。棧車。素木無漆。役車。不蔽不蓋。或牛或輓。但可載任器供役事。非乘具也。

凡良車。散車。不在等者。其用無常。凡車之出入。歲終則會之。凡賜閼之毀折。入齋于職幣。大喪節遣車。遂厥

月相角 卷二 三十一  
之行之及葬執蓋從車持旌及墓嚳啓關陳車小喪共  
廛路與其飾歲時更續共其弊車大祭祀鳴鈐以應雞  
人

良車美散車廛諸不在五等之類惟所用之故無常  
凡乘用官車出入歲終計其數稽其完敝如已賜其  
人則不在計內官車毀折賣其財入職幣以助繕治  
遣車載牲幣明器送葬之車飾脩飾廩之謂吉車如  
王與后五路之類居喪不用廩而藏之其飾爲遣車  
者行之及葬謂柩在道執蓋轎車無蓋巾車親爲執  
蓋以從持旌執銘旌柩前執蓋又執旌下大夫二人

也。啓闕開墓門。陳車。陳列遣車于墓道左右。匱路。謂輓車飾柳。嬰更續。謂四時置造新車以續舊車。其敝壞者。供以還官。鳴鈴。鳴其車上。和。大祭祀。雞人呼旦。儆百官。巾車亦鳴鈴。應之。王出祭。必乘車。應雞人者。勸駕之意。

典路。中士二人。下士四人。府二人。史二人。胥二人。徒二十人。

### 掌王與后所乘車

典路。掌王及后之五路。辨其名物。與其用說。稅。若有大祭祀。則出路。贊駕說。大喪。大賓客。亦如之。凡會同軍旅。



弔于四方以路從

王及后之五路見巾車用謂行則駕之說謂旣舍則脫之出路國有大事則陳五路示不敢寧居也尚書顧命大路在賓階面之類贊駕說助車僕與趣馬也王有大事出乘一路以其餘路從行

車僕中士二人下士四人府二人史二人胥二人徒二十人

掌戎車也

車僕掌戎路之萃廣車之萃闕車之萃革車之萃輕車之萃凡師共革車各以其萃會同亦如之大喪厥革車

大射共三乏

萃猶副也。五者皆兵車。戎路卽革路。王乘之以卽戎者。一戎路出衆戎路副之曰萃。廣闕萃輕四車皆戎路。而其用殊。廣車橫陣之車。春秋傳晉楚邲之戰楚分車爲左右二廣是也。闕車補闕之車。楚以游闕四十乘爲左拒是也。萃屏通對敵及安營屏蔽之車。輕車馳敵奔突之車。革車卽五車供革車各以其副從。會同王乘金路。五戎亦從。故曰如之大喪。獻革車藏先王生日所乘戎車。猶獻衣服之類。車僕獻之者。獻其所掌也。之一名容。以皮爲之。射則設近侯報獲者。

所自容隱矣。不及曰之。王射六耦。三侯三容。見夏官。射人職。車僕供之。亦屏蔽之事。革車之類也。

按車僕與下司常所掌多。軍陳行伍之事。以屬宗伯。亦內政之意。所謂軍禮同邦國也。凡車旂皆禮事。司常中士二人。下士四人。府二人。史二人。胥四人。徒四十人。

掌旗幟之官。常天子所建旗名。凡旗皆建之車上。司常掌九旗之物名。各有屬以待國事。日月爲常。交龍爲旂。通帛爲旛。雜帛爲物。熊虎爲旗。鳥隼爲旟。龜蛇爲旐。全羽爲旞。析羽爲旂。及國之大閱。贊司馬頒旗物。王

建大常諸侯建旂孤卿建旌大夫士建物師都建旗州  
里建旗縣鄙建旐道車載旐旂車載旌皆畫其象焉官  
府各象其事州里各象其名家各象其號

九旗卽常旂至旌旌九也物卽九旗之色名卽九旗  
之名各有屬卽官府以下各象事名號使相聯屬也  
待國事聽指揮也日月畫日月于旗天象常明故曰  
常王旗也交龍畫二龍一升一降旂言令也旗上有  
衆鈴以令衆也通帛純帛無畫周尚赤赤帛也旌單  
也通純無物之稱雜帛以雜色帛緣飾之物者相雜  
之稱畫熊虎象猛也旗期也與衆期于其下畫鳥與

鷹隼象羣疾也。旗與也。羣飛貌。畫龜蛇象神武也。旐  
兆也。陰符之意。全羽。剝飛鳥皮懸之竿上。旌遂也。直  
前之名。析羽。分析爲羽。亦懸竿上。旌精別之名。旌旌  
二者有羽無帛。如今節旌之類。大常以下七旗皆帛  
也。大閱仲冬。王大閱武也。大司馬頒旗物。司常贊之。  
王建大常以象天。諸侯建龍旂以象登天也。孤卿建  
純帛之旌。明從王也。大夫士各守其職。建雜帛之物。  
師衆也。都公邑師。都鄉老爲三公者。食邑于都。兼統  
鄉遂之衆。建熊虎之旗。其次州里之長。建鳥隼之旗。  
州里卽州閭鄉之屬。其次縣鄙之長。建龜蛇之旐。縣

鄙六遂之屬六鄉爲前軍鳥隼陽象也六遂爲後軍龜蛇陰象也以上七者皆統衆之大旗也旒旌以下又各車上小旗所謂微識也前導之車載全羽之旌旌屬也各屬之車載析羽之旌皆畫其象猶曲禮前有塵埃載鳴鳶前有車騎載飛鴻之類其三軍之衆各有所屬官府及其地里居宅車上各以小旗表識如司馬鄉遂大夫之屬各以執事爲象別之州里之屬各以州里之名爲象別之鄰比五家之屬各以家之號爲象別之如此則什伍相聯不至淆亂而無統鄭註未明云道車爲王出入之車旂車爲王遊間之

車尤無謂

凡祭祀各建其旗會同賓客亦如之置旌門大喪共銘旌建斂車之旌及葬亦如之凡軍事建旌旗及致民置旗弊之甸亦如之凡射共獲旌歲時共更旌

祭祀適郊廟也置旌門見天官掌舍職王在外爲帷宮則設旌門謂樹旌旗爲行宮門凡初喪各以死者所當建之旗象其制而以尺易仞書死者名置西階上表其柩也斂車之旌謂王崩生前所乘五路斂而藏之亦以旌識之及葬如之者建遣車之旌也致民謂招集衆人則置大旗爲表旣至則什旗以誅後至

曰弊甸田獵亦置旗弊之獲旌報獲者所持旌更旌供新旌易舊旌也

都宗人上士二人中士四人府二人史四人胥四人徒四十人

王城外四百里爲縣五百里爲畧王子弟之封與公之食邑在曰都貴戚曰宗都宗人親戚之貴者掌其都事與家宗人專爲祭祀設故以終禮職

都宗人掌都祭祀之禮凡都祭祀致福于國正都禮與其服若有寇戎之事則保羣神之壇倖國有大故則令禱祠旣祭反命于國



都家之邑皆有山川社稷五祀宗廟及丘陵墳衍名  
賢古祠禮當祭者皆都宗人掌之致福于國爲王祝  
福也正都禮禁其違失也服衣服及車旗之屬羣神  
之壝謂境內神壇國有大故謂王國有戕變旣祭反  
命于王

按臣子祭祀必使祝福于君此秦漢以來人主驕恣  
之事非先王所以小心昭事之禮也

家宗人如都宗人之數

王畿三百里曰稍卿大夫采地在焉曰采邑家宗人  
掌其事

家宗人掌家祭祀之禮。凡祭祀致福。國有大故。則令禱祠。反命。祭亦如之。掌家禮。與其衣服宮室車旗之禁令。國有大故。禱祠反命。解見前。

凡以神士者無數。以其藝爲之貴賤之等。

士仕也。習于鬼神之事。而仕爲士者。自大卜以下。至保章諸職。皆鬼神之事。無數。謂不限常數。貴者爲上士。次中士。又次爲下士。

凡以神士者。掌三辰之灋。以猶鬼神示之居。辨其名物。以冬日至致天神人鬼。以夏日至致地示物形。眉秘反以禴國之凶荒。民之札喪。

三辰之灋。謂日月星之次。猶圖也。居位也。三辰之精。降爲鬼神。鬼神之位。象日月之躔度。與列宿之次。舍而其名色可知也。世俗謂地有一物。則天有一星。卽此意也。冬至陽生。天與人屬陽。夏至陰生。地與物屬陰。魍魎通百物之神。曰魍。禮會也。祈福之名。祈福所以解殃。今世俗有十保福。卽禮也。

按百物之精。上爲列宿。理固有之。如謂某物爲某星。某星直某物。星之精下爲鬼神。誕妄不經。秦漢以來。術士欺誑世主。秦皇漢武。竭四海之力。以求一試。而竟無左驗。奈何以此開後世好誕之端乎。縱使列宿。

皆有神鬼物皆有居。人行人道。鬼行鬼道。列宿何預人事。而必欲致之。亦勞矣。況萬無是事乎。大人者與日月合其明。鬼神合其吉凶。豈謂是與。是書所以辨方正位。象四時而列六官。學術本原。可知已。

右春官之屬七十。卿一人。大夫二十七人。上士四十九人。中士一百二十六人。下士二百二十七人。府一百一十八人。史二百五十人。胥一百六十四人。徒一千五百七十人。又瞽矇三百人。眡瞭三百人。鞀舞者十六人。龜車之工一百四人。六宮女卿大夫士共六十四人。女府史奚一百二十人。女祧奄八人。女祧女奚共

四十二人以上共三千四百六十九人其餘若旌舞  
人無數男巫無數女巫無數凡以神士者無數內宗  
外宗女之有爵者無數